

Հ Ա Շ Վ Ե Տ Վ ՈՒ Թ Յ ՈՒ Ն

2025թ. նոյեմբերի 19-ից 20-ը Վրաստան կատարած գործուղման արդյունքների մասին

1. Անունը, ազգանունը՝

Գևորգ Պապոյան

2. Զբաղեցրած պաշտոնը՝

ՀՀ էկոնոմիկայի նախարար

3. Գործուղման վայրը և ժամկետները՝

Վրաստան՝ ք. Թբիլիսի, 2025թ. նոյեմբերի 19-ից 20-ը

4. Հրավիրող կողմը՝

Վրաստանի էկոնոմիկայի և կայուն զարգացման նախարար Մարիամ Կվրիվիշվիլի

5. Գործուղման նպատակը՝

Հայաստանի Հանրապետության և Վրաստանի միջև առևտրատնտեսական համագործակցության հետ կապված մի շարք օրակարգային և հրատապ հարցերի (այդ թվում՝ տարանցիկ բեռնափոխադրումների հետ կապված) քննարկման և լուծման ուղղությամբ քայլերի նախանշում

6. Քննարկված թեմաները՝

Հանդիպումների ընթացքում քննարկվել են հետևյալ հիմնական թեմաները՝

- Տրանսպորտային և լոգիստիկ համագործակցության զարգացման և խորացման ուղղությունները,
- Վրաստանի տարածքով հայկական բեռների արագ և անխոչընդոտ անցման ապահովումը,
- Հայկական բրենդիի բաղադրության իզոտոպային փորձաքննության արդյունքների փոխադարձ ճանաչման հնարավորությունները:

7. Հանդիպումները, ելույթները, բարձրացված կամ քննարկված հարցերը

2025 թվականի նոյեմբերի 19-ից 20-ը Հայաստանի Հանրապետության նախագահի պաշտոնական այցի շրջանակներում հանդիպումներ են տեղի ունեցել Վրաստանի նախագահ Միխեիլ Կավելաշվիլիի, վարչապետ Իրակլի Կոբախիձեի և Վրաստանի խորհրդարանի խոսնակ Շավլա Պապուաշվիլիի հետ: Այցի շրջանակում ՀՀ էկոնոմիկայի նախարար Գևորգ Պապոյանը և փոխնախարար Արման Խոջոյանը հանդիպում են ունեցել Վրաստանի էկոնոմիկայի և կայուն զարգացման նախարար Մարիամ Կվրիվիշվիլիի հետ: Հանդիպման ընթացքում քննարկվել են.

- համագործակցությունը տրանսպորտի և լոգիստիկայի ոլորտներում ինչպես տարածաշրջանային, այնպես էլ երկկողմ մակարդակներում,
- զբոսաշրջության և ներդրումների ոլորտներում գործընկերային կապերի ամրապնդման ուղղությունները,
- երկկողմ առևտրի ծավալների ավելացմանն ուղղված քայլերի իրականացման ընթացքը:

Բացի այդ, հանդիպման շրջանակներում քննարկվել են նաև ճանապարհային անվտանգության, շարժունակության, տրանսպորտային կառավարման բարելավման և նոր ավտոմոբիլային տեխնոլոգիաների ներդրման հնարավորությունները: Նախարար Պապոյանը կարևորել է ՀՀ կառավարության կողմից իրականացվող քաղաքականությունը տրանսպորտային համակարգերի արդիականացման ուղղությամբ:

Վրաստան կատարած այցի շրջանակներում քննարկվել է 2025թ. հոկտեմբերի 22-ից Վրաստանի մաքսային ծառայության կողմից հայկական բեռներ, այդ թվում՝ հայկական բրենդի տեղափոխող բեռնատարների՝ Վրաստանի մաքսային տերմինալում կանգնեցման խնդիրը, և հայկական կողմից նշվել է, որ դրա հետևանքով առևտրային ցանցերը սկսում են խուսափել ՀՀ տնտեսավարողների հետ մատակարարման պայմանագրեր կնքելուց:

Աշխատանքային հանդիպում է տեղի ունեցել նաև Վրաստանի գյուղատնտեսության և շրջակա միջավայրի նախարար Դավիթ Սոնգուլաշվիլիի հետ: Քննարկվել են հայկական բրենդիով բեռնված ավտոմեքենաների Վրաստանի տարածքում լաբորատոր ստուգումների գործընթացի արագ կազմակերպման, ինչպես նաև հայկական բրենդիի բաղադրության իզոտոպային փորձաքննության արդյունքների փոխադարձ ճանաչման հետ կապված հարցերը:

Հանդիպման ընթացքում անդրադարձ է կատարվել սննդի անվտանգության, խաղողագործության և գինեգործության, ինչպես նաև գյուղատնտեսության այլ ոլորտներում երկկողմ համագործակցության զարգացման հնարավորություններին, այդ թվում՝ առևտրատնտեսական հարաբերությունների խորացման հեռանկարներին:

8. Ստորագրությունը, ամսաթիվը՝

25.11.2025



Մոնիկա Ղաթսյան